

四庫全書

集部

欽定四庫全書

御定佩文齋詠物詩選卷二百二十一

燈燭類 附煙火

四言古

金羊燈銘

漢李尤

賢哲勉務惟日不足金羊載耀作明以續

燈銘

晉傅元

晃晃華燈含滋炳靈素膏流液元炷亭亭丹水陽輝飛

景蘭庭

燭銘

晉傅咸

煌煌丹燭焰焰飛光取則景龍擬象扶桑照彼幽夜炳  
若朝陽焚形鑒世無隱不彰

五言古

庭燎

晉傅元

元正始朝享萬國執珪璋枝燈若火樹庭燎繼天光

燈

齊謝朓

發翠斜谿裏蓄寶宕山峰抽莖類仙掌銜光似燭龍飛  
蛾再三繞輕花四五重孤對相思夕空照舞衣縫

正月八日燃燈詩應令

梁簡文帝

藕樹交無極花雲衣數重織竹能為象縛荻巧成龍落  
灰然慈盛垂油濕畫峰天宮倘若見燈王願可逢

詠籠燈

簡文帝

動燄翠帷裏散影羅帳前花心生復落明銷君詎憐

詠池中燭影

梁元帝

金匱方  
卷二百二十一  
漁燈且滅燼鶴燄暫停輝自有銜龍燭青光入朱扉映  
水疑三燭翻池類九微入林如燐影度渚若螢飛河低  
扇月落霧上珠星稀章華終宴所飛蓋且相追

詠殘燈

梁紀少瑜

殘燈猶未滅將盡更揚輝唯餘一兩燄裁得解羅衣

詠燈檠

梁王筠

百華曜九枝鳴鶴映水池朱光本內照丹花復外垂流  
輝悅嘉客翻影泣生離自銷良不悔明白願君知

詠蠟燭

王筠

執燭引佳期，流影度單帷。  
腫臃別繡被，依稀見蛾眉。  
炎明不足貴，焦燼豈為疑。  
所恐恩情改，照君尋履綦。

詠燈

梁吳均

昔在鳳凰闕，七采蓮花莖。  
陸離看寶帳，爛熳照文屏。  
澹艷煙光轉，氛氲霧裏輕。  
能方三五夜，桂樹月中生。

和簾裏燭

梁劉孝威

開闔簾影出，參差風燄斜。  
浮光燭綺帶，凝滴汚垂花。

賦得照碁燭詩刻五分成

梁劉孝綽

南皮絃吹罷終奕且留賓  
日下房櫳闇華燭命佳人側  
光全照局迴花半隱身不辭  
纖手倦羞今夜向晨

詠燈

梁沈氏

綺筵日已暮羅帷月未歸  
開花散四照含光出九微  
風軒動丹焰冰宇澹清輝  
不吝輕蛾繞唯恐曉蠅飛

三善殿夜望山燈

陳江總

百花疑吐夜四照似含春  
的的連星出亭亭向月新  
採

珠非合浦贈珮異江濱若任扶桑路堪言並日輪

奉和通衢建燈應制

隋諸葛穎

芳衢澄夜景法炬爛參差逐輪時徙燄挑花生落枝飛  
煙繞定室浮光映瑤池重閣登臨罷歌管乘空移

寒缸

唐劉長卿

向夕燈稍進空堂彌寂寞光寒對愁人時復一花落但  
恐明見累何愁暗難託戀君秋夜永無使蘭膏薄

詠殘燈和楊孟載

明高啟



凝寒結重暈  
逼曙零孤朵  
膏空逐漏水  
燄在同爐火  
戀影未成眠  
更就餘光坐

詠料絲燈

明薛蕙

淮南玉為盃  
西京金作枝  
未若茲燈麗  
擅巧昆明池  
霏微狀蟬翼  
連娟侔網絲  
煙空不礙視  
霧弱未勝持  
碧水點蔥鬱  
彩石染葳蕤  
霞疊有無色  
雲攢深淺姿  
焚蘭發香氣  
對燭映紅滋  
明月詎須侈  
夜光方可嗤

燭

薛蕙

客醉北堂上花生夜戶中色亂歌梁月影暗舞衣風珠  
簾照不隔羅幌映疑空願得陪長讌相看曲未終

七言古

三日侍宴詠曲水中燭影

梁庾肩吾

重焰垂花比芳樹風吹水動俱難住春枝拂岸影上來  
還栝繞客光中度

楔飲嘉樂殿詠曲水中燭影

梁劉孝威

火浣花心猶未長金枝密焰已流芳芙蓉池畔涵停影

金匱要略卷之二十一  
桃花水脈引行光

五言律

燭

唐李嶠

兔月清光隱龍盤  
畫燭新三星花入夜  
四序玉調晨浮  
炷依羅幌吹香匝  
綺茵若逢燕國相  
持用舉賢人

送綦母三寺中賦得紗燈

唐李頎

禪室吐香燼輕紗籠翠煙  
長繩挂青竹百尺垂紅蓮  
熠燿衆星下玲瓏雙塔前  
含光待明發此別豈徒然

詠燈花同侯十一

唐韓愈

今夕知何夕花燃錦帳中  
自能當雪暖那肯待春紅  
黃裏排金粟釵頭綴玉蟲  
更煩將喜事來報主人公

觀山燈獻徐尚書

唐段成式

風杪影零亂露輕光  
陸離如霞散仙掌似燒上  
峩峩道樹千花發扶桑  
九日移因山成聚像不復藉蟠螭

其二

湧出多寶塔往來飛錫僧  
分明三五月傳照百千燈  
馴

金史四庫全書  
卷一百二十一  
狄移高炷慶雲遮半層夜深寒燄白猶自綴金繩

燈花

元貢奎

今夕離家遠燈花儘意開綠煙浮小暈紅燄落輕煤影  
照頻占喜心挑莫見猜遙知兒女坐歡笑對銀臺

廢檠

元楊載

二尺書檠在如今久棄捐魚膏雖有燄蠹簡獨無緣牆  
下偕遺礫窓間帶舊煙却觀提挈處辛苦悔當年

元夕賜觀燈

明楊榮

禁苑東風暖青霄月正中魚龍千隊戲羅綺萬花叢雲  
嶠祥光麗星橋寶炬紅太平多樂事此夕萬方同

元夕午門賜觀燈

明金幼孜

鼇山新結綵列炬照晴天簫鼓瑤臺上星河絳闕前綵  
裝千隊好繡簇萬花妍歡賞陪鑾馭還歌既醉篇

元夕賜觀燈應制

明陳敬宗

紫陌連清禁彤樓接絳河九門星綵動萬井月華多寶  
炬通宵晃鸞笙協氣和臣民涵聖澤齊唱太平歌

其二

山擁金鰲壯雲盤彩鳳來  
星河隨斗轉珠闕倚天開  
歡洽春聲徧恩從淑氣回  
願歌魚藻詠長奉萬年杯

懷舊何處觀燈好

明儲 巵

何處觀燈好臺城並騎時  
酒邊看夜戲花下聽春詞  
火樹璇霄發松棚綵市移  
遲遲南陌上明月鎮相隨

其二

何處觀燈好琳宮禁籞西  
星橋通碧落雲網綴丹梯  
梅

畔春猶寂松梢月漸低傳柑誰得句痛飲憶宣谿

其三

何處觀燈好風光帝里多鮫屏圍寶炬鼇駕灩金河列  
第珠垂箔長橋螭枕河誰家吹鐵笛月午更相過

詠墨紗燈

明  
曹學佺

質裂橫疑水光生薄似苔憑將彩筆畫認作剪刀裁烏  
向空中度花從鏡裏開細看若無力不畏曉風催

剪燭

明  
僧德祥



金匱要略  
卷一百一十一  
風處搖金蛹煙時閃墨鴉寸心終不昧雙淚欲橫斜漸  
過分詩刻虛開報喜花剪聲初落指滿席散春霞

五言排律

剪燈聯句

元  
貢師泰

夜暖拈香繭春寒落剪刀勞心連鬱結貢綺思出長縑

點綴輕蟬翼

吳子彦

裝粘細鳳毛風花凝瑣碎

貢

雲葉護周

遭影爍金垂燼

侯敬文

光融玉作膏舞裯圍落絮

劉子清

歌扇逐

飛挑帶轉銀幡小

貢

輪迴寶蓋高蜘蛛圍露網

吳

顧免

墮秋毫鶯擲翻紅雪

侯

魚跳起碧濤春陽噓蛺蝶

劉秋

冷蛺蝶翠薄荷分鈿絲柔柳散條青童來絳節玉女  
翳纖翻碎訝珠胎迸尖愁燕尾翺微茫縈錯落斜隙漏  
葡萄飴釜空燒蠟棚山漫結鰲浮塵籠漠漠流水眩滔  
滔纂綺難為密裁綃祇自勞嬋娟妬清夜蛩蝶落晴臯  
製異宮人綬榮懷學士綯未曾分寶炬先許照欄袍劇  
賞尊頻倒窮搜筆屢操盃盤嘶騷裏奮袖舞豪曹酒促  
華筵散詩慚白戰塵時平無夜禁繁弱且歸弦

貢

燈花聯句

元張雨

星閣迎寒悶霜鐘動夜擬

孝光

酒深燔木火漏下續蘭缸

寸艸熒芝小

雨

丹葩瑞帶雙金枝交婉孌

孝光

銀粟亂騷

蟻蠟結飛蛾笑

雨

膏融吐鳳雙汞珠光透鏡

孝光

火齊幻

垂幢的的輝青瑣

雨

淫淫颭玉缸燭龍檠紫葢

孝光

翹燕

綴紅纓鄰眼書窺隙

雨

仙眉墨暈牕狂吟心蕊發

孝光

喜

聽足音足折墜風吹座

雨

鈎簾月墮江青藜如見遇揮

手出紛龐

孝光

詠高麗石燈

明  
唐之漳

竅石燭幽遐  
虛明詎異紗  
琢從箕子國  
熬向竺王家  
耿耿知懸燼  
亭亭訝作花  
定餘神自照  
經殘漏欲賒  
願持明慧鏡  
揚彩徧河沙

觀燈

明  
朱純

春色滿侯家  
金蓮夜吐花  
香膏融絳液  
細燼落金沙  
閃閃明珠箔  
熒熒映碧紗  
煙凝微作暈  
燄煖欲成霞  
綰結流蘇重  
繽紛寶帶斜  
人看隘珠翠  
月出讓光華  
徧列雕

開護高張繡幄遮休言非勅送吟對亦堪誇

癸卯元夕曹能始席上詠夾紗燈屏得花字

明  
吳兆

火樹當筵出燈屏繞席斜逶迤一片影匝九枝華薄  
素流明月層波浸百花龍膏燃作霧鶴彩散成霞曉戶  
鶯窺鏡春牕蝶誤紗盈盈空內外瞰客若為遮

七言律

蠟燭

唐  
鄭谷

仙漏遲遲出建章宮簾不動透清光金闈露白新裁詔  
畫閣春紅正試粧淚滴杯盤何所恨燼飄蘭麝暗和香  
多情更有分明處照得歌塵下燕梁

長明燈

唐羅隱

破暗長明世代深煙和香氣雨沈沈不知初點人何在  
祇見當年火至今曉似紅蓮開沼面夜如寒月鎮潭心  
孤光自有龍神護雀戲蛾飛不敢侵

燈花

唐徐夔

點蠟燒銀却勝裁九華紅艷吐玫瑰獨含冬夜寒光拆  
不傍春風暖處開難見只因能送喜莫挑唯恐墜成灰  
貪膏附熱多相誤為報飛蛾罷拂來

詠燈

唐僧慕幽

鐘斷危樓鳥不飛熒熒何處最相宜香燃水寺僧開卷  
筆寫春幃客著詩忽爾思多穿壁處偶然心盡斷纓時  
孫康勤苦誰能念少減餘光借與伊

祥符寺九曲觀燈

宋蘇軾

紗籠擎燭迎門入銀葉燒香見客邀金鼎轉丹光吐夜  
寶珠穿蟻闇連宵波翻燄裏元相激魚舞湯中不畏焦  
明日酒醒空想像清吟半逐夢魂銷

上元觀燈

宋曾鞏

九衢仙仗豫遊歸寶燭星繁換夕暉傳醖未斜清禁月  
散花還拂侍臣衣天香暗度金虬煖宮扇雙開彩鳳飛  
法曲世人聽未足却迎朱輦下端闈

燈夕呈劉帥

宋劉克莊



士女如雲服珥鮮暫陪獵較亦欣然清於坡老遊杭市  
儉似乖崖在劔川使指何功煩卜夜遨頭此念可通天  
粵人擁道千層看不見狨鞍三十年

書燈

元 劉清叟

一點蘭膏數寸心小窓伴我夜沈沈  
煖分青燄熬煙細喜動紅光花意深  
洞見苦心歸典策照殘幽夢入寒衾  
他時富貴不相棄移上長檠伴醉吟

金釵剪燭

元 蒲道源

歌舞蘭堂夜色深  
燭花輕剪試釵金  
分開小鳳雙飛翼  
撥盡寒灰一寸心  
玉淚亂隨紅袖落  
蠟香留得碧雲簪  
短檠二尺挑寒雨  
頭白書生正苦吟

走馬燈

元謝宗可

颶輪擁騎駕炎精  
飛遶人間不夜城  
風鬣追星低弄影  
霜蹄逐電去無聲  
秦軍夜潰咸陽火  
吳炬宵馳赤壁兵  
更憶雕鞍年少夢  
章臺踏碎月華明

天燈

謝宗可

龍逐炎精下紫宮夜深不肯落雲中  
光分霄漢三更黑影亂星辰萬點紅  
玉柱倚天擎火齊金繩繫日挂瑤空  
照開仙闕朝元路絳節霓旌穩駕風

蓮燈

謝宗可

萬點芙蓉午夜芳醉看疑是水雲鄉  
蘭缸照破西湖夢火樹燒殘太液香  
焰煖應愁擎夜雨燼寒不為倒秋霜  
元宵庭院東風曉零亂紅衣落畫梁

水燈

謝宗可

波明燄煖晚風閒  
泡影飛來鏡裏看  
萬點芙蓉開碧沼  
一天星斗落水盤  
珠浮赤水光猶濕  
火浴丹池夜未乾  
照破魚龍波底夢  
幽宮不怕五更寒

書燈

謝宗可

吾伊聲裏漏初長  
願借丹心吐寸光  
萬古分明看簡冊  
一生照耀付文章  
芸編清逼蘭膏煖  
花燼時粘竹汗香  
明日金蓮供艸制  
幾人風露在秋堂

燈花

謝宗可

誰分春色上銀臺  
小草梢頭吐燼煤  
丹萼擎煙深夜結  
朱甃噴火背陽開  
吟窓對酒分詩罷  
旅館敲碁待客來  
願得東君膏澤滿  
芳心一點不成灰

泡燈

謝宗可

焰吐蘭膏映水晶  
泓澄不動一漚輕  
天星影落冰壺夜  
神汞光凝火齊明  
碧暈浮春丹氣濕  
紅雲泛暖玉華清  
遊魚不覺三更冷  
飛入琉璃井底行

雪燈

謝宗可

一炬燒寒照夜長  
玉蟲飛入白紗囊  
冰壺吞月涵秋影  
海蚌懷珠吐夜光  
六出自隨飛燼落  
寸輝不受積陰藏  
渾疑凍壑寒崖底  
忽見東風轉太陽

塔燈

謝宗可

拔地燒空寶炬長  
燭龍掛影照穹蒼  
七層火樹雲生煖  
九曲神珠夜吐光  
霞點彤旌歸淨界  
星隨絳節下西方  
如來應到天壇上  
萬斛金蓮繞步香

燈花給韻

元胡天游

寸燼能偷造化權花開花落自黃昏豈憑根本栽培力  
暫借膏油養育恩隔幔乍疑籠日幄展屏聊當避風幡  
飄零滿案無人問付與青娥淬鬢痕

西湖放燈

元張雨

共泛蘭舟燈火鬧不知風露濕青冥如今池底休鋪錦  
此日槎頭直挂星爛若金蓮分夜炬空於雲母隔秋屏  
却憐牛渚清狂甚苦欲燃犀走百靈

燈花

明張羽

畫堂銀燭映歌鐘  
醉眼俄驚火樹紅  
白玉屏深留晚艷  
絳紗籠煖護春叢  
闌干清淚非因雨  
狼藉殘煤總為風  
更憶禁垣歸路靜  
金蓮隨馬散文虹

詠菩提葉燈

明呂誠

寶林萎葉墮天風  
一落人間便不同  
雲鏡熒煌開月匣  
并刀裁剪費春工  
星攢蜩翼水綃薄  
華擁蝦鬚玉柵紅  
從此可傳無盡藏  
五湖今有水晶宮

元夕賜午門觀燈

明金幼孜



鳳輦初臨鼓吹喧千官環侍紫宸邊九門燈火雲霄上  
午夜山河錦繡前春散爐煙浮樹暖月移寶仗映花妍  
從臣忝預傳柑宴既醉猶歌湛露篇

賜午門觀燈應制

明陳宗

鼇峰千仞鬱嵯峨萬蠟榮春洽太和明月只隨仙仗轉  
紅雲偏近御筵多旌旄影颺黃金闕絲竹聲翻白雪歌  
萬歲三呼頻祝頌醉歸數問夜如何

其二

白玉仙京上帝家六龍遙駕五雲車巨鼇此夕移三島  
火樹迎春吐萬花水咽宮壺畱夜色歡騰黎庶樂年華  
承恩盡醉歸來晚一派鈞天隔彩霞

河燈

明  
李東陽

火裏蓮花水上開。亂紅深綠共徘徊。紛如列宿時時出。  
宛似流觴曲曲來。色界本知空有相。恒河休歎劫成灰。  
憑君莫話燃犀事。水底魚龍或見猜。

鞋燈

明瞿佑

弓樣新裁瘦不禁分明一掬照花陰  
凌波未試彎彎玉踏月還生步步金  
紅蕾先開傳密意赤繩雙繫結同心  
少年前度相看處唯恨鞦韆別院深

鬪雞燈

瞿佑

怒挾爭機下絳臺月明照見影毵毹  
彩鸞舞鏡腸應斷丹鳳迎陽尾乍開  
五德有名終氣合兩雄相厄未心灰  
孟韓聯句誰能續燒盡東風畫燭煤

詠老人燈

明  
桑悅

假合分明兩鬢秋  
鮑郎衫袖帶膏油  
衰顏自分隨灰冷  
急景何妨秉燭遊  
得火常時能煖腹  
避煙終夜只搖頭  
却疑南極星辰現  
一點光芒落海陬

元夕詠冰燈

明唐順之

正憐火樹闌春妍  
忽見清輝映夜闌  
出海鮫珠猶帶水  
滿堂羅袖欲生寒  
燭花不礙空中影  
暈氣疑從月裏看  
為語東風暫相借  
來宵還得盡餘歡

上元夜帝御龍舟觀鼇山恭述

明  
王士騏

紫禁鰲山結翠旂昇平故事雅宜修春回九陌風仍暖  
月出千門霧乍收煙火樓臺疑化國高明世界正宸遊  
何人不傍宮牆聽天樂泠泠在御舟

上張燈後苑以麥燈居中吾州所產也

王士騏

江南五月麥初黃野老慙慙進尚方織就絲絲冰比潔  
鏤成葉葉玉分光誰高市上千金價不數宮中七寶裝

聞道聖人昭儉德瑩然一盞照中央

石琉璃

明朱之蕃

瑞石瑩然冰雪姿琢成寶月半如規  
驪珠出海光猶濕牛渚燃犀照不遺  
丈室明涵金色界禪關朗映白毫眉  
蒲團坐看爐煙裊天祿何煩太乙藜

燭淚

明申時行

風襲簾帷炬色寒鮫珠錯落瀉銀盤  
紅綃半濕金蓮吐紫焰微銷玉筯殘  
傳蠟漢宮春厭浥絕纓楚館夜闌干

須知歸院承恩日  
涓滴還將雨露看

燭影

明屠瑤瑟

畫梁疎影按紅牙  
光入花叢比桂華  
時伴瓊筵翻廣樂  
乍浮紈扇隔輕紗  
溶溶春夜疑宵永  
閃閃秋閨共月斜  
散盡纏頭天欲曙  
清光猶照五侯家

五言絕句

詠燭

唐太宗

九龍蟠焰動四照  
逐花生即此流高  
殿堪持代月明

挑燈杖

唐駱賓王

稟質非貪熱焦心豈憚熬終知不自潤何處用脂膏

同張將薊門觀燈

唐孟浩然

異俗非鄉俗新年改故年薊門看火樹疑是燭龍然

四時宮詞

元曹文晦

掖庭春夜燕小隊去紅粧勅賜金蓮燭雕闌照海棠

二月十五夜子浚兄燈讌再賦

明

皇甫汈



再吐金枝燄重開玉樹花非關耽夜飲直是春年華

其二

綵縷交花艷明珠減月輝君能畱顧盼時得奉芳菲

七言絕句

因夢得題公垂所寄蠟燭因寄公垂

唐白居易

照梁初日光相似出水新蓮艷不如却寄兩條君領取  
明年雙引入中書

聖燈

唐薛能

莽莽空中稍稍燈  
坐看迷濁變清澄  
須知火盡煙無益  
一夜欄邊說向僧

代夫作白蠟燭詩贈人

唐孫氏

景勝銀釭香比蘭  
一條白玉逼人寒  
他時紫禁春風夜  
醉草天書仔細看

次韻館中上元游葆真宮觀燈

宋韓駒

金匱要略卷之二十一  
玉作芙蓉院院明博山香度小崢嶸直言水北人稀到  
也有盤姍勃窣行

觀野燈

宋朱子

飛螢腐艸尋常事作底茲山獨耀芒須信地靈資物化  
金膏隨處發明光

謝韓實之直閣送燈

宋陸游

舊友年來不作疎華燈乃肯寄蝸廬寧知此老蕭條甚  
二尺檠前正讀書

宮詞

宋 花蕊夫人

夜色樓臺月數層  
金猊煙穗繞觚稜  
重廊曲折連三殿  
密上真珠百寶燈

其二

天門宴罷九重闕  
樓倚銀河氣象間  
一點星毬垂絳闕  
五雲仙仗下蓬山

燭花

元 郝經

江城深夜作輕寒  
金粟堆盤蠟炬殘  
應是燈花憐久客

故隨人意報平安

令狐學士金蓮圖

元許有壬

九天光彩動金闥  
輦路風香樹影齊  
却笑漢家恩數薄  
只教天祿待青藜

晚泊維揚驛

元宋裴

朱軒翠館鬱岩光  
幾處笙歌幾處橋  
怪得隔江人望見  
夜深燈火似元宵

書舍寒燈

元葉顒

青燈黃卷伴更長  
花落銀缸午夜香  
異日長檠珠翠處  
苦心寒燄莫相忘

宮詞

明朱權

翠盤金縷絳紗籠  
銀燭熒煌照漢宮  
應制草詞書細字  
燈花報喜吐殷紅

元夕午門觀燈應制

明金幼孜

閭闔重重夜不扃  
瓊樓十二敞銀屏  
東風一曲昇平樂  
此夜都人盡許聽

看燈詞

明 瞿佑

傀儡粧成出教坊  
彩旗前引兩三行  
郭郎鮑老休相笑  
畢竟何人舞袖長

燕京歌

明 劉效祖

元會初分庭燎光  
君王親御紫霞觴  
不知五夜春多少  
白日猶聞蠟炬香

燈詞

明 袁九淑

家家行樂管絃催  
火樹千枝向夜開  
見說南鄰祠太乙

笑聲一片踏歌來

附煙火

七言古

陳都閫宅看煙火

明 張時徹

正月初旬長晝昏  
北風吹沙江吐雲  
千門弱柳青裊裊  
官院紅梅開正芬  
雨霽張燈春不遲  
將軍煙火夜偏奇  
層層島嶼神仙見  
燦燦雲霄星斗垂  
寶塔峻嶒跨紫峰  
青天削出金芙蓉  
芳蘭映日瓊瑤碧  
幽苔凌波瑪瑙紅



蠟炬光中戰馬鳴奔如飛電突如鯨戈矛寒帶陰山雪  
旗甲晴輝瀚海星野鵠雙飛乍欲沒銜枝喜鵲喳喳發  
芍藥蒲萄懸翠屏珊瑚寶貝流明月空中捧出百絲燈  
神女新粧五彩明真人斬蛟動長劍狂客吹簫過洞庭  
翩翩舞蝶戲穿花海上樓臺散赤霞須臾錦繡被滿地  
明珠斗大紛如麻城中小兒齊拍手聲聲道好好如雷吼  
擊鼓彈箏時轉喧河漢低低回掛朱牖夜深賓客各言歸  
主人長跪強牽衣朱苞細拆漳南橘白椀新盛北地梨

聯床接席出豐膳美酒平斟玉屈卮清宵良會豈再得  
今我不醉將何為

七言律

贈放煙火者


元趙孟頫

人間巧藝奪天工鍊藥燃燈清晝同柳絮飛殘鋪地白  
槐花落盡滿階紅紛紛燦爛如星隕燿燿喧阗似火攻  
後夜再翻花上錦不愁零亂向東風

煙火戲

明瞿佑

金匱要略卷之二十一  
卷二十一  
天花無數月中開五色祥雲繞絳臺墮地忽驚星彩散  
飛空頻作雨聲來怒撞玉斗翻晴雪勇踏金輪起迅雷  
更漏已深人漸散閑干挑得綵燈回



御定佩文齋詠物詩選卷二百二十一

原書封面卷次訛誤

# 欽定四庫全書

集部

御定佩文齋詠物詩選卷二百二十六

三至

詳校官侍郎

臣李封

主事銜

臣徐以坤覆勘

總校官檢討

臣

何思鈞

校對官中書

臣

楊世綸

謄錄監生

臣

周元梓

欽定四庫全書

御定佩文齋詠物詩選卷一百二十二

火類

五言古

詠火

齊王融

永容慚遠鑑  
水質謝明輝  
是照相思夕  
早望行人歸

遠看放火

梁庾肩吾

風前細塵起  
月裏黑煙生  
發燄看喬木  
侵光識遠城

夜燒松明火

宋蘇軾

歲暮風雨交客舍淒薄寒夜燒松明火照室紅龍鸞快  
燄初煌煌碧煙稍團團幽人忽富貴蕙帳芬椒蘭珠煤  
綴屋角香滿流銅盤坐看十八公俯仰灰燼殘齊奴朝  
爨蠟菜公夜長歎海康無此物燭盡更未關

雲龍山觀燒得雲字

蘇軾

丁女真水妃寒山便火耘隕霜知已殺坯戶聽初焚束  
縵方熠燿敲石俄氤氲落點甘泉烽橫煙楚塞氛窮蛇

上喬木潛蛟躡浮雲驚飛墮傷雁狂走迷癡磨谷蟄起  
蜩燕山妖竄夔獫野竹爆逸響幽桂飄清芬散同秋照  
蟬快若夏燎蚊火牛入燕壘燧象奔吳軍喧騰井陘口  
萬馬皆朱幘搖曳驪山陰諸姨爛紅裙方隨長風卷忽  
值絕澗分我本山中人習見匪獨聞偶從二三子來訪  
張隱君君家亦何有物象移朝曛把酒看飛燼空庭落  
繽紛行觀農事起畦壠如縝紋細雨發春穎嚴霜倒秋  
黃始知一炬力洗盡狐兔羣

七言古

夜光篇

唐王冷然

遊人夜到汝陽間，夜色溟濛不解顏。  
誰家暗起寒山燒，因此明中得見山。  
山頭山下須臾滿，歷險緣深無暫斷。  
焦聲散著羣樹鳴，炎氣傍林一川煖。  
是時西北多海風，吹上連天光更雄。  
濁煙熏月黑，高焰熬雲紅。  
初謂煉丹仙竈裏，還疑鑄劍神谿中。  
劃為飛電來照物，乍作流星併上空。  
西山無艸光已滅，東頂熒熒猶未絕。  
沸湯空谷



數道水融盡陰崖幾年雪兩京貧病若為居四壁皆成  
鑿照餘未得貴遊同秉燭惟將半影借披書

徐使君分新火

宋蘇軾

臨臯亭中一危坐三月清明改新火溝中枯木應笑人  
鑽灼不燃誰似我黃州使君憐久病分我五更紅一朵  
從來破釜躍江魚只有清詩嘲飯顆起携蠟炬繞空屋  
欲事煎烹無一可為公分作無盡燈照破十方昏暗鎖

五言律

晚上山觀燒

元范梈

渡口向寥閔夕暉生翠屏隨風初繞電翳霧忽如星鳥  
獸蒸宜遁柴扉照不局閩都春始過雨洗合重青

七言律

松枝火

元謝宗可

鮮骨誰教劫火侵欲將春意破窮陰鱗髯光動紅雲起  
膏液香融紫霧深餘燼尚畱霜後節殘灰難滅歲寒心  
有時燄起隨風轉猶似蒼龍澗底吟

寒火

明  
朱之蕃

騰空烈焰挾灰飛，望裏熒煌煖氣微。  
禪性定餘傳指滅，客心燃後御風歸。  
烹來石髓涼侵齒，著盡霓裳冷切聞。  
入火化人元不熱，徒勞炙手借炎威。

六言絕句

集王摩詰書語

元  
張雨

夜深童僕靜默，月明輞水淪連。  
獨與山僧飯訖，寒林遠火初然。

七言絕句

春燒

元張雨

日落山前野燒生  
白茅黃葦地初晴  
明朝却賦雉帶箭  
呼酒岡頭看火城

蚤至闕下候朝

明高啟

月明立傍御溝橋  
半啟宮門未放朝  
驕吏忽傳丞相至  
火城如晝曉寒銷

故山春日

明楊基

梨花兩枝春可憐  
下馬折花山逕邊  
山中人家改新火  
隔樹吹來榆柳煙

御定佩文齋詠物詩選卷二百二十二

欽定四庫全書

御定佩文齋詠物詩選卷二百二十三

煙類

五言古

詠煙

梁簡文帝

浮空覆雜影含露密花藤乍如洛霞發頗似巫雲登映  
光飛百仞從風散九層欲持翡翠色時吐鯨魚燈

浦狹邨煙度

陳張正見

茅蘭夾兩岸野燎燭中川邨長合夜影水狹度浮煙收  
光暗鳥弋分火照漁船山人不炊桂樵華幸共然

七言古

米元暉畫卷

元吳鎮

煙光與山色縹緲相為容不知山色淡還復煙光濃虎  
兒斷入圖畫中憑闌展卷將無同但令絕景長在眼從  
渠輕靄隨春風

五言律



煙

唐  
李嶠

瑞氣凌青閣，空濛上翠微。  
迴浮雙闕路，遙拂九仙衣。  
桑柘迎寒色，松篁暗晚暉。  
還當紫霄上，時接彩鸞飛。

遠煙

唐  
僧處默

靄靄前山上，凝光滿薜蘿。  
高風吹不起，遠樹得偏多。  
翠與晴雲合，輕將淑氣和。  
正堪流野目，朱閣意如何。

煙

明  
孟洋

湘流落日外，沙迴暮生煙。  
杳杳千峰失，霏霏萬壑連。  
鵲

翻知浦樹人語辨江船暗裏猿聲斷幽人尚未眠

應制題畫

煙雨

明  
于慎行

瀟瀟一幅上秋氣滿楓林半似隨風引全疑夾霧陰遠  
峰看處暝疎樹望來深筆底煙雲色爭知用作霖

七言律

和尚書詠煙

唐  
徐寅

無根無蒂結還融曾觸嵐光徹底空不散幾知離畢雨  
欲飛須待落花風玲瓏薄展鮫綃片羃歷輕含鳳竹叢

瓊什捧來思舊隱  
撲窓穿戶曉溟濛

茶煙

元謝宗可

玉川爐畔影沈沈  
淡碧縈空杳隔林  
蜩竅聲微松火暗  
鳳團香煖竹窓陰  
詩成禪榻風初起  
夢破僧房雪未深  
老鶴遲歸無俗客  
白雲一縷在遙岑

茶煙

明瞿佑

濛濛漠漠更霏霏  
淡抹吟屏幕講帷  
石鼎火紅詩詠後  
竹爐湯沸客來時  
雪飄僧舍衣初濕  
花落觥船鬢已絲

金匱要略  
卷一百一十五  
唯有庭前雙白鶴翩然趨避獨先知

五言絕句

新煙

明袁凱

覆堤初冉冉渡水尚遲遲一樹梨花色猶能似舊時

七言絕句

宮詞

唐王涯

禁前煙起紫沈沈樓閣當中複道深長入暮天凝不散  
掖庭何處動秋砧

西山

宋 劉克莊

絕頂遙知有隱君  
餐芝種朮鹿為羣  
多因午竈茶煙起  
山下看來是白雲

堂邑宣化堂退食

元 張養浩

縣齋公退炷爐熏  
聊為塵煩一解紛  
閉戶不教香遠去  
簾紋浮動半牕雲

題危太樸所藏滎陽鄭虔畫秋巒橫靄圖

元 鄧文原

金風瑟瑟入空山  
邨落人家葉盡斑  
最是箇中奇絕處  
一天煙靄有無間

暮煙

明 胡宗仁

送客歸舟息樹根  
蕭疎楓葉掩柴門  
暮煙未即全遮眼  
猶露橋西一兩邨

御定佩文齋詠物詩選卷二百二十三

欽定四庫全書

御定佩文齋詠物詩選卷二百二十四

薪炭類

附灰

五言古

詠灰

隋  
岑德潤

圖規暈不缺氣改律還虛欲燃愁獄吏棄道畏刑書未  
得遙強陣輕舉欲馬如

七言古

答友人贈炭

唐孟郊

青山白屋有仁人，贈炭價重雙烏銀。  
驅却座上千重寒，燒出爐中一片春。  
吹霞弄日光不定，煖得曲身成直身。  
謝趙使君送烏薪

宋陳師道

欲落未落雪，近人將盡不盡冬。  
壓春風枝冰瓦有去鳥，遠坊窮巷無來人。  
忽聞叩門聲遽速，驚雞透籬大升屋。  
使君傳教賜薪炭，妓圍那解思寒谷。  
老身曲直不足云，冷窓凍壁作春溫。  
定知和氣家家到，不獨先生雪塞門。



雪曉舟中生火

宋 楊萬里

烏銀見火生綠霧便當水沈一濃炷却因斷續更氤氲  
散作霏微煖袍袴須臾霧霽吐紅光歛如雲表生扶桑  
陽春和日曛滿室蒼顏渥丹疑醉鄉忽然火冷霧亦滅  
只見紅爐堆白雪窓外雪深三尺強窓裏雪深一寸香

五言律

塵灰

唐 駱賓王

洛川流雅韻秦道擅奇威聽歌梁上動應律管中飛光

飄神女襪影落羽人衣願言心未翳終異效輕微

五言排律

初寒擁爐欣而成詠

明楊慎

閉戶當嚴候圍爐似故人胡桃無賜炭

宋世御炭以胡桃文鴉鵲色為上

楮

拙有窮薪兒免號寒喜翁便永夜親焰騰金函茗灰聚

玉麒麟剪燭休論跋傳杯莫記巡煎茶浮蠅眼煨芋皺

虬鱗一點那容雪千門預借春灞橋何事者凍縮苦吟

身

七言律

楮拙窩

元陸景龍

安樂窩中興澹然靈根斫得自樵仙地爐伏火春如海  
雪屋圍風夜似年香透玉酥和芋撥脂流琥珀帶松燃  
絕勝沈水燒金鴨吹徹參差惱醉眠

董明府除夕惠炭

明謝應芳

范叔寒多正不禁烏薪意重比烏金賒來脫粟忙炊飯  
留得焦桐好製琴環堵一龕春盎盎麗譙三鼓夜沈沈

硯池冰釋龍香煖寫我朝來抱膝吟

木炭

明  
朱之蕃

墨沼蒼龍蛻骨堅冰霜難犯地爐邊  
送來雪裏寒威重  
領取春回煖律先炙手何勞爭倚附  
熏心喜見息風煙  
烏金聲實真相稱不朽精神藉火傳

七言絕句

小遊仙詩

唐  
曹唐

去住樓臺一任風  
十三天洞暗通行  
厨侍女炊何物

滿竈無煙玉炭紅

以少炭寄江子之

宋 晁沖之

金籍曾通玉虛殿  
仙曹擬拜翠微郎  
莫嫌薄上溫磨火  
猶得濃熏篤耨香

杜善甫乞炭

金 劉 勳

筆口酸嘶解說窮  
寒爐隨手變春紅  
因君大笑涪翁拙  
費盡奇香得馬通

仙居吟

元 僧清珙

山風吹破故窓紙  
片片雪花飛  
入來添盡布裘  
渾不煖  
拾枯深撥地  
爐灰

御定佩文齋詠物詩選卷二百二十四

欽定四庫全書

御定佩文齋詠物詩選卷二百二十五

農類

四言古

勸農

晉  
陶潛

熙熙令音猗猗原陸卉木繁榮和風清穆紛紛士女趨  
時競逐桑婦宵征農夫野宿

其二

氣節易過和澤難久冀缺攜儷沮溺結耦相彼賢達猶  
勤墾畝矧伊衆庶曳裾拱手

和陶勸農

宋蘇軾

聽我苦言其福永久利爾鉏耜好爾鄰耦剪艾蓬蒿南  
東其畝父兄搢杖以扶游手

其二

天不假易亦不汝匱春無遺勤秋有厚冀雲舉雨決婦  
姑畢至我良孝愛袒跣何媿



五言古

癸卯歲始春懷古田舍

晉陶潛

先師有遺訓憂道不憂貧  
瞻望邈難逮轉欲志常勤  
秉耒歡時務解顏勸農人  
平疇交遠風良苗亦懷新  
雖未量歲功即事多所欣  
耕種有時息行者無問津  
日入相與歸壺漿勞近鄰  
長吟掩柴門聊為壟畝民

丙辰歲八月申於下潁田舍穫 陶潛

貧居依稼穡戮力東林隈  
不言春作苦常恐負所懷  
司

田眷有秋寄聲與我諧飢者歡初飽束帶候鳴雞揚櫟  
越平湖汎隨清壑迴鬱鬱荒山裏猿聲閒且哀悲風愛  
靜夜林鳥喜晨開曰余作此來三四星火顏姿年逝已  
老其事未云乖遙謝荷篠翁聊得從君棲

藉田

梁武帝

寅賓始出日律中方星鳥千畝土膏紫萬頃陂色縹嚴  
駕佇霞昕浥露逗光曉啟行天猶暗伐鼓地未悄蒼龍  
發蟠蛇青旂引窈窕仁化洽疎蟲德令禁胎夭耕藉乘

月暎遺滯指秋杪年豐廉讓多歲薄禮節少公卿秉耒  
耜庶甿荷鉏耨一人慙百王三推先億兆

田家即事

唐李嶠

舊居東臯上左右俯荒邨樵路前傍嶺田家遙對門歡  
娛始披拂愜意在郊原餘霽蕩川霧新秋仍晝昏攀條  
憩林麓引水開泉源稼穡豈云倦桑麻今正繁方求靜  
者賞偶與潛夫論雞黍何必具我心知道尊

新晴野望

唐王維

新晴原野曠極目無氛垢郭門臨渡頭邨樹連谿口  
白水明田外碧峯出山後農月無閒人傾家事南畝

田家雜興

唐 儲光義

衆人耻貧賤相與尚膏腴我情既浩蕩所樂在畋漁  
山澤時晦冥歸家暫閒居滿園植葵藿繞屋樹桑榆  
禽雀知我閒翔集依我廬所願在優游州縣莫相呼  
日與南山老兀然傾一壺

其二

梧桐蔭我門，薜荔網我屋。超超兩夫婦，朝出暮還宿。稼穡既自種，牛羊還自牧。日旰懶耕鋤，登高望川陸。空山足禽獸，墟落多喬木。白馬誰家兒，聯翩相馳逐。

其三

種桑百餘樹，種黍三十畝。衣食既有餘，時時會親友。夏來菰米飯，秋至菊花酒。孺人喜逢迎，稚子解趨走。日暮閒園裏，團團蔭榆柳。酩酊乘夜歸，涼風吹戶牖。清淺望河漢，低昂看北斗。數甕猶未開，明朝能飲否？

行次田家澳梁作

儲光義

田家俯長道邀我避炎氛當暑日方晝高天無片雲桑  
間禾黍氣柳下牛羊羣野雀棲空屋晨風不復聞前登  
澳梁坂極望溫泉分逆旅方三舍西山猶未曛

田家即事答崔二東臯作

儲光義

元鳥雙雙飛杏林初發花  
啣命僮僕可以樹桑麻清  
旦理犁鋤日入未還家

田家

唐楊顏

小園足生事尋勝日傾壺蔣蔬利於鬻纔青摘已無四  
鄰依野竹日夕采其枯田家心適時春色遍桑榆

題農夫廬舍

唐丘為

東風何處至已綠湖上山湖上春既早田家日不閒溝  
塍流水處耒耜平蕪間薄暮飯牛罷歸來還閉關

南谿春耕

唐錢起

荷蓑趨南徑戴勝鳴條枚谿雨有餘潤土膏寧厭開溝  
塍落花盡耒耜度雲迴誰道耦耕倦仍兼勝賞催日長

農有暇悔不帶經來

觀邨人收山田

錢起

六府且未盈三農爭務作貧民乏井稅墾土皆墾鑿禾  
黍入寒雲茫茫半山郭秋來積霖雨霜降方鉉獲中田  
聚黎甿反景空邨落顧慚不耕者微祿同衛鶴庶追周  
任言敢負謝生諾

田家

唐  
柳宗元

蓐食狗所務驅牛向東阡雞鳴邨巷白夜色歸暮田札



札耒耜聲飛飛來鳥鳶竭茲筋力事特用窮歲年盡輸  
助徭役聊就空自眠子孫日以長世世還復然

觀稼

唐白居易

世役不我牽身心常自若晚出看田畝閒行傍邨落累  
累遶場稼嘖嘖羣飛雀年豐豈獨人禽鳥聲亦樂田翁  
逢我喜默起具杯杓斂手笑相延社酒有殘酌愧茲勤  
且敬藜杖為淹泊言動任天真未覺農人惡停杯問生  
事夫種妻兒獲筋力苦疲勞衣食常單薄自慙祿仕者

不曾營農作飽食無所勞何殊衛人鶴

古風

唐李紳

鋤禾日當午汗滴禾下土誰知盤中餐粒粒皆辛苦

田居春耕

宋秦觀

雞號四鄰起結束赴高原戒婦預為黍呼兒隨掩門犁  
鉏帶晨景道路更笑喧宿潦濯芒屨野芳簪髻根霽色  
披窗靄春空正鮮繁辛夷茂橫阜錦雉嬌空園少壯已  
雲趨伶俜尚鷗蹲蟹黃經雨潤野馬從風奔邨落次第

集隔膝致寒暄眷言月占好努力競晨昏

老農

宋 劉子翬

山前有老農給我薪水役得錢徑沽酒醉卧山日夕忘  
形與之語妙理時見益志士多隱淪欲學慚未識

勞農

宋 朱子

四體久不勤筋力坐駑緩何事兩山阿離離豆苗滿多  
謝植杖翁居然見長短

次韻黃子理宣德田居四時

宋 僧道潛

四序自逶迤田園常局促春陽旋東臯迫我事鋤鑄出  
種曝籬根驅牛飲谿曲暉暉明昭陽聒聒喧布穀頽齡  
惜筋骸曉睡謾云足蓐食出柴門荷篠赴幽谷寥條視  
柔桑密葉已舒綠今年氣候早膏雨厭霖霖鄰翁一時  
來耕耨每相屬

其二

離離小麥黃習習南風度桑棗暗蓬麻耕鋤困朝暮種  
瓜屋東隅翠蔓已分布黃花引疎籬冉冉欲橫路白水

漫青秧聯翩下鷗鷺新絲換濁酒肴藪羞薄具掃灑聚  
比鄰環坐蔭高樹稚子羨羸餘牽衣傍翁嫗牛羊嶺外  
歸落日林梢去餉婦亦還家笑言隔煙霧

其三

朔風鳴高林回塘冰已結牛羊卧茅屋原野暗飛雪壯  
男臂雕弓短後事田獵飢鷹一號呼荒徑灑毛血歸來  
誇意氣鄰舍呼飲啜明朝過南山更欲窮窟穴寒爐然  
豆萁光燄時起滅布被擁嬌兒從渠踏裏裂老翁寢不

寐展轉念鶯鳴籬落易穿窬狐狸恐驚發

田家四事

元方夢

耕

古人以農仕仕即為公卿未仕有常業安得不躬耕我  
耕常及時破塊當初晴墾墟土性異勤怠人力并泥塗  
淤手足霧露沾裳纓婦子挈午餉勞苦寬我情罷耕亟  
放牧吾牛亦飢鳴投耒重回首深山空月明

種

我生古揚州田下異梁雍山田種荒菜水田種浮葑地  
力肥瘦兼農器有無共及時撒新穀搏黍遞幽哢生意  
日夜長移秧趁芒種未嫌豚酒祝自樂雞黍供落日竹  
枝歌猶是幽原頌

耘

良苗已入土田間水沄沄昨夜苗根發翳葉如煙雲草  
生害我苗匝月一再耘是時人苦熱出門天未昕鬱蒸  
體流膏爬摔手生皸手荼擁根節腰草驅蠅蚊青青衿

佩子從事哀我勤我勤自樂此爾非沮溺羣

穫

涼風入衣襟斜日照墟落我稼將登場築杵聲索索宵  
征備寇盜日行呀鼠雀腰鎌赴田間是處竟秋穫刈疾  
笑翁健負重慚兒弱山炊雜戎菽野草配場藿人生累  
衣食計較一餉樂已矣復何言吾生老耕鑿

耕圖

元

趙孟頫

二月



東風吹原野地凍亦已消早覺農事動荷鋤過相招遲  
遲朝日上炊煙出林梢土膏脉既起良耜利若刀高低  
徧翻壑宿草不待燒幼婦頗能家井臼常自操散灰緣  
舊俗門徑環周遭所冀歲有成殷勤在今朝

三月

良農知土性肥瘠有不同時至萬物生芽蘖由地中秉  
耒向畝畝忽徧西與東舉家住于田勞瘁在爾農春雨  
及時降被野何濛濛乘茲各布種庶望西成功培根利

秋實仰天望年豐但使陰陽和自然倉廩充

十二月

一日不力作一日食不足慘淡歲云暮風雪入破屋老  
農氣力衰偃偻腰背曲索綯民事急晝夜互相續飯牛  
欲牛肥芟藁亦預蓄寒驢雖劣弱挽車致百斛農家極  
勞苦歲豈恒稔熟能知稼穡難天下自蒙福

歸田樂

元  
張養浩

日月底天廟陽瘴土脉生習習協風來颺颺衆蟄驚農

人服厥畝薄言事春耕缺堤流瀼瀼灌木鳴嚶嚶白靡  
颭青帘綠野明丹英蠶婦喜形色牧豎歌傳聲天隨野  
色遙山與吟懷清向來慳一際今者幸四并倘佯子真  
谷萬事秋毫輕

勤耕亭

元  
傅若金

日月靡閒暇四序更運之斯人務作業矧敢怠遑時負  
耒適西疇恒患耕作遲仲春時雨至羣物具含姿牛食  
青澗阿鳥鳴芳樹枝興言播嘉穀夙夜將耘耔豈不懷

逸居亦念寒與飢但使秋稅畢聊樂及我私義農雖已  
遠沮溺不吾欺努力順天命素餐非所知

早出田所

明  
袁凱

愧無經濟術徒有茂異名行遊三十年不見有所成歸  
來得荒地黽勉始學耕方春多雲氣甘雨亦時行大澤  
含澄瀾溝澮皆滿盈清晨出門去路與煙霧并庶幾望  
秋實敢懷勤苦情日午有濁醪揮汗且復傾

田家雜詠

明  
樊阜

嘉樹蔭衡門鳴鳩遍邨墅薄言農務興力作無男女晨  
爨煙未起驅牛理田圃茲時若晏嬉爭得好禾黍清曉  
聞雨過春流漲谿渚小兒學把犁小女亦能杵生理勿  
嫌微浮榮非我取

其二

少長郊墟中縣官名未識長時帶好容不見惡顏色高  
壟麥穗齊雉鳴自藏翼野田耕耨餘工力暫時息日夕  
會鄰家黃牛卧籬側酒酣勉諸孫耕作當努力微雨過

前邨鳥鳴催蓐食

其三

烏柏陰我牆白茅覆我屋  
荷蓀朝出耘依依暮歸宿  
少婦勤織縫諸孫解樵牧  
秋風禾黍收寒日照原陸  
鳥雀啾啾鳴園籬多草木  
官租及早償莫待里胥督

其四

山邨頗幽僻甘向田間老  
鄰家隔短牆出入同一道  
桑柘團午陰驚雛牝雞抱  
夕陽雨外明谿上山色好  
夫婦

話綢繆農工非草草秧長及時移明朝飯須早

田家

明 祝允明

谿流浸茅宇短簷挂犁鉏柔桑交午陰幽禽時相呼稚  
子跨犢眠夢歸候朝鋪稼翁釋其勞暫往攜陶壺老妻  
督少婦擇繭停辟纊輕兩日日零羣苗盡懷蘇

夏日田園即事

明 蔣山卿

沈沈夜來雨泱泱川上平田家趨時作驅牛急晨耕遙  
遙阡陌間肅肅老少并札札耒與耜咿咿桔槔聲紆回

野水入綿延禾稼盈劬苦事一時倏忽見秋成四體雖  
云疲所貴惟此生此生各有分胡乃不自營寥寥千載  
下寧知沮溺情

南莊觀穫作

明王問

灼灼涇上田粒養歲所需黽勉事朝夕聊爾謀一盂歸  
來已十年取足不願餘澤澤稼事勞念爾苦沾塗予也  
觀厥成覲彼荷蓀徒四體不常勤而有此廩庾長日茅  
茨下擊缶歌烏烏上以供粢盛下以奉親娛以惠我周



親布德賙比閭

湖莊觀穫

王問

清川泛容與輕颺動微波霜氣日夕寒歲暮棲巖阿適  
觀湖上農子婦紛取禾甌甕盈筐箱比屋廩差我醑酒  
燕鄉社擊缶笑以歌仰荷皇澤覃早得謝鳴珂絕軌車  
馬途何由逢轆軻優游養餘齒但願豐年多

田家

明  
袁 裴

誰言田家樂所樂亦豈常耕斂稍不給豐歉復相當五

月了蠶事十月登稻梁所入不償用閒少實多忙營營  
事公私勞苦過即忘歲功已告畢蜡社聚一方酌酒宰  
雞豚鼓腹坐山陽寧知朱門內晝夜羅酒漿貧富在所  
遭苦樂難較量

七言古

附長短句

寄宿田家

唐高適

田家老翁住東陂說道平生隱在茲鬢白未曾記日月  
山青每到識春時門前種柳深成巷野谷流泉添入池

牛壯日耕十畝地人閒長掃一茅茨客來滿酌清樽酒  
感興平吟才子詩巖際窟中藏鼯鼠潭邊竹裏隱鸕鷀  
邨墟日落行人少醉後無心怯路岐今夜只應還寄宿  
明朝拂曙與君辭

田家行

唐王 建

男聲欣欣女顏悅人家不怨言語別五月雖熱麥風清  
簷頭索索綠車鳴野蠶作繭人不取葉間撲撲秋蛾生  
麥收上場絹在軸的知輸得官家足不望入口復上身

且免向城賣黃犢田家衣食無厚薄不見縣門身即樂  
送吳叔舉主簿往清江受納秋苗

宋  
王庭珪

田頭作穀催入場一半白著輸官倉廬江主簿喜懷檄  
放船椎鼓開帆檣蕭灘老農公事畢夾道歡呼羅酒漿  
笑言歸去喚妻子今年租米兩平量

插秧歌

宋  
楊萬里

田夫拋秧田婦接小兒拔秧大兒插笠是兜鍪蓑是甲

雨從頭上濕到脚喚渠朝餐歇半霎低頭折腰只不答  
秧根未牢蔕未匝照管鵝兒與雛鴨

題申季山所藏李伯時畫邨田樂圖

宋  
戴復古

春秧夏苗秋遂穫官賦私逋都了却雞豚社酒賽豐年  
醉唱邨歌舞邨樂鼓笛有聲無曲譜布衫顛倒傴僂舞  
欲識太平真氣象試看此畫有佳趣管絃聲按宮商發  
細轉柳腰花十八羅幃繡幕拂香風九醞葡萄金盞滑

王孫公子巧歡娛，勿將富貴笑田夫。  
非渠耕稼飽君腹，問有黃金可樂無？

田家吟

元胡天游

邨南邨北鳴鸛黃，舍東舍西開野棠。  
坡晴漸放桑眼綠，水暖忽報秧牙長。  
老翁躬耕催早起，女績男舂婦炊黍。  
犢兒狂走未勝犁，蠶蟻半生猶戀紙。  
一春莫笑田家苦，苦樂原來兩相補。  
君不見踏歌槌鼓肉如山，昨日原頭祭田祖。

水車歌

元  
曹文晦

老農呼婦呼孫子齊上溝車踏河水浪走源頭雪霰飛  
天翻脚底風雷起颯颯昆明龍蛻骨宛宛常山蛇顧尾  
倏爾盈科歎水哉激之過潁由人耳吼聲漈漈河伯怒  
苗色芄芃田畯喜阿香滴瓢苦瑟縮鮫人泣綃無尺咫  
蘇枯幸活莊子鮒騰空如化琴高鯉東郊桔槔不亦勞  
西隣輓轡安足擬忘機却笑抱甕夫巧製端從斲輪氏  
天心普順固無邊人力強為終有已欲令田野息愁歎

正在廟堂能變理五風十雨歲穰穰棄置溝車如敝屣

田家樂寄張師孟

明 鏞 炳

田家樂今年莊農好秋作蟄龍蛻骨枯棹懸五穀咸登  
時雨若官家更憂民力疲公田折布能輕齎小姑攜筐  
嬾梳洗拾得棉花如雪肥大姑軋軋催機杼疎簾樹影  
寒蛩語鬢雲籠霧颺西風看月生涼褪秋暑山徑牛羊  
下夕墟蕭蕭榆柳草堂虛野老杖藜邀小酌諸孫燈火  
讀殘書



五言律

張谷田舍

唐 儲光義

縣官清且儉，深谷有人家。  
一徑入寒竹，小橋穿野花。  
碓喧春澗滿，梯倚綠桑斜。  
自說年來稔，前邨酒可賒。

田舍

唐 杜甫

田舍清江曲，柴門古道傍。  
草沈迷市井，地僻懶衣裳。  
櫟柳枝枝弱，枇杷樹樹香。  
鸕鷀西日照，曬翅滿魚梁。

太和戊申歲大有年詔賜百寮出城觀秋稼謹

書盛事以俟採詩者

唐 劉禹錫

長安銅雀鳴秋稼與雲平  
玉燭調寒暑金風振順成  
川原呈上瑞恩澤賜間行  
欲返重城掩猶聞歌舞聲

江上田家

唐 包 何

近海川原薄人家本自稀  
黍苗期臘酒霜葉是寒衣  
市井誰相識漁樵夜始歸  
不須騎馬問恐畏狎鷗飛

田家

唐 司空曙

田家喜雨足鄰老相招攜  
泉溢溝塍壤麥高桑柘低  
呼

兒催放犢宿客待烹雞搔首蓬門下如將軒冕齊

贈田家翁

唐耿漳

老人迎客處籬落稻畦間蠶屋朝寒閉田家晝雨閒  
門閭新雜草蹊徑舊諳山自道誰相友邀余試往還

贈田家翁

唐杜荀鶴

田家真快活婚嫁不離邨州縣供輸罷追隨鼓笛喧  
盤餐同老少家計共田園自說身無事應官有子孫

田家

唐李建勳

不識城中路熙熙樂有年木盤擎社酒瓦鼓送神錢霜  
落牛歸屋禾收雀滿田遥陂過秋水閒閣釣魚船

再出行田

宋  
韓琦

豐歲觀農獲先疇路不遐子多宜晚穀生拗就新麻蕎  
麥方成齷蔓菁未入掇鄉民愚自詫太守是吾家

田舍

宋  
范成大

呼喚攜鉏至安排斜圃忙兒童眠落葉烏雀噪斜陽煙  
火邨聲遠林菁野氣香樂哉今歲事天末稻雲黃

農家

宋 陸 游

南畝勤菑獲西成謹蓋藏種蕎乘霽日斫荻待微霜  
谿碓新春白山厨野蕨香何須北窗卧始得傲羲皇

農家

陸 游

大布縫袍穩乾薪起火紅薄才施畎畝撲學教兒童羊  
要高為棧雞當細織籠農家自堪樂不是傲王公

其二

東舍女乘龍西家婦夢熊翁誇酒重碧孫愛果初紅栗

烈三冬近團樂一笑同營生無繆巧百事仰天公

其三

諸孫晚下學髻脫統園行互笑藏鉤拙爭言鬪草羸  
嚴責程課翁愛哺飴錫富貴寧期汝他年且力耕

宿農家

宋戴復古

門巷規模古田園氣味長小桃紅破萼大麥綠銜芒  
稚犬迎來客歸牛帶夕陽儒衣媿飄泊相就說農桑

出社下嶺望九洲流陂稻田可愛

明 鍾 崧

度嶺望平田人家隱翠煙邨墟自雞犬風物似神仙晚  
樹依沙立秋粳帶水眠幾時驅兩犢投迹此安廛

夜宿田舍

明 華 察

郊居觀穫罷暝色滿荆扉歲事山田薄人家茅屋稀荒  
園寒照斂獨樹暮禽歸夜靜然燈坐高窗黃葉飛

田家吟

明 盧 澐

最是農家樂收成十月天春耕餘穀種秋稅了官錢兒

女團朝日雞豚散野田鄰翁相見處豐稔說明年

田家樂

明鄧漢

煙火高原合雞豚小市通夜行防虎窵寒至築牛宮捕  
雀遵桑翳澆麻引竹筒今年倍收秫不怕甕頭空

五言排律

奉和聖製至長春宮登樓觀稼穡之作

唐蘇頲

帝迹奚其遠皇符之所崇敬時堯務作盡力禹稱功赫



濯惟元后經營自左馮變蕪抗稻實流惡水泉通國阜  
猶前豹人疲詎昔熊黃圖巡沃野清吹入離宮是閱京  
坻富仍觀都邑雄憑軒一何綺積溜寫晴空禮節家安  
外和平俗在中見龍垂渭北辭雁指河東睿思方居鎬  
宸遊若飲豐寧誇子雲從祇為獵扶風

田家

唐  
王維

舊穀行將盡良苗未可希老年方愛粥卒歲且無衣雀  
乳青苔井雞鳴白板扉柴車駕羸犢草屨牧豪豨夕雨

紅槲拆新秋綠芋肥  
餉田桑下憩旁舍草中歸  
佳處名愚谷何須問是非

六言律

春耕

明楊慎

五風十雨樂歲東  
臯西崦人家水心魚浮  
菖葉屋角鳩鳴杏花餉  
壟青梅煮酒訪鄰綠  
筍烹茶問津寧知沮溺  
祠田但祝汗邪

七言律

和游堯臣勸農韻

宋王炎

傳呼穩凭筍輿行  
喜見漫山麥浪平  
道上老農皆好語  
年來瘦地有新耕  
草深黃犢陽坡暖  
雨過青蒲野水生  
桃李陰中春事好  
田家雞犬亦歡聲

次秀野躬耕桑陌舊園之韻

宋朱子

郊園旱久只多蹊  
昨夜欣沾雨一犁已辦青鞵隨  
老圃便驅黃犢過深溪  
農談剝喜鄉隣近  
饁具仍教婦子攜  
指點竹寒沙碧處  
不知何似錦城西

邨居初夏

宋 陸游

天遣為農老故鄉，山園三畝鏡湖旁。  
嫩莎經雨如秧綠，小蝶穿花似繭黃。  
斗酒隻雞人笑樂，五風十雨歲豐穰。  
相逢但喜桑麻長，欲話窮通已兩忘。

穫稻用分秧韻

明 顧清

負郭園池帶宅田，老晴天氣太平年。  
穫來黍稻叢高廩，散出牛羊滿近川。  
饋啟甌山騰霧靄，蟻香醅甕起淪連。  
斜陽一枕西窗夢，縱有丹青不與傳。

望田家

明 汪應軫

數椽茅屋傍山開，橫麓平簷雪滿堆。  
耳畔春風還料峭，田家錢鏹尚塵埃。  
雞豚詫客穿籬入，牛馬馴人際晚回。  
何事鄰翁喧笑語，為儲舊穀接新來。

耕隱為南昌萬用中賦

明 僧來復

山莊別築楚城西，百畝桑陰水一溪。  
莎草雨晴黃犢卧，稻花風暖白鳩啼。  
沽來官酒春祈社，讀罷農書曉灌畦。  
孝悌力田新有詔，姓名還向御前題。

南浦春耕

明僧德祥

索索綠車谷口聞鳥催農事日紛紛  
新生野水瓜藤繞舊作田塍井字分  
耕雨每憐黃犢健帶經猶愛小兒勤  
晚風獨立谿橋外流水桃花一隊雲

七言排律

省斂

明何洛文

翠華縹緲出明光帝畝油油曉露瀼  
田峻秋登歌萬寶宸旒時斂足千倉  
欣瞻壟覆黃雲滿想見匙翻白雪香

耕藉三推蒙帝力連莖累歲紀農祥  
即看薦熟流馨餽更識憂民念雨暘  
六合長應書大有願陳幽雅表時康

五言絕句

題田洗馬游巖桔槔

唐陳子昂

望遠長為客商山遂不歸誰憐北陵井  
未息漢陰機

山下宿

唐白居易

獨到山下宿靜向月中行何處水邊碓  
夜舂雲母聲

江行

唐錢起

岸草連荒色邨聲樂稔年晚晴貪獲稻閒却采菱船

春墅

唐崔道融

蛙聲近過社農事忽已忙鄰婦餉田歸不見百花芳

稻畦

宋文同

決水轉橫渠交塍畫方罫秋風報禾熟滿頃吹擺掇

東谿小景

明魯鐸

隔谿語農人新禾脰尚短車痕記水畦莫灌東畦滿

六言絕句



田園樂

唐王維

酌酒會臨泉水抱琴好倚長松南園露葵朝折東谷黃  
梁夜春

過山農家

唐顧況

版橋人渡泉聲茅簷日午雞鳴莫嗔焙茶煙暗却喜曬  
穀天晴

農家六言

宋楊萬里

插秧已蓋田面疎苗猶逗水光白鷗飛處極浦黃犢歸

時夕陽

耕

南邨北邨雨足十畝五畝秧齊帶月肩犁未出催人布  
穀先啼

七言絕句

稻田

唐韋莊

綠波春浪滿前陂極目連雲擺耜肥更被鷺鷥千點雪  
破煙來入畫屏飛

畚田調

宋 王禹偁

大家齊力劬孱顏耳聽田歌手莫閒  
各願種成千百索

山田俱以百尺  
繩量曰若干索

豆箕禾穰滿青山

初夏

宋 林逋

乳雀啁啾日氣濃  
稚桑交影綠重重  
秧田百畝鶯黃犬  
橫策谿橋屬老農

田家

宋 歐陽修

綠桑高下映平川  
賽罷田神笑語喧  
林外鳴鳩春雨歇

屋頭初日杏花繁

畫車

按此係水車

宋蘇軾

九衢歌舞頌王明  
誰惻寒泉獨自清  
賴有千車能散福  
化為膏雨滿重城

秋日田家

宋文同

淘漉溝源築野塘  
滿陂煙草卧牛羊  
今年且喜輸官辦  
豆莢繁多粟穗長

豐年謠

宋王炎

稻如馬尾覆溝塍桑柘陰中雞犬鳴收穫登場便無事  
輸租人不入州城

晚憇田家二絕

王炎

家書未到鵲先喜春事無多鶯又啼偶對好山畱客坐  
綠陰遮屋日將西

其二

山間一徑牛羊迹林下數家雞犬聲底事居人苦爭畔  
閒田官正募民耕

插秧

宋 范成大

種密移疎綠毯平行間清淺縠紋生誰知細細青青草  
中有豐年擊壤聲

田園雜興

范成大

五月吳江麥秀寒移秧披絮尚衣單稻根科斗行如塊  
田水今年一尺寬

其二

下田戽水出江流高壟翻江逆上溝地勢不齊人力盡

丁男長在踏車頭

農舍

宋陸游

三農雖隙亦匆忙稼事何曾一夕忘  
欲曬胡麻愁屢雨未收蕎麥怯新霜

金谿道中

宋楊萬里

野花垂路止人行田水偏尋缺處鳴  
近浦人家隨曲折插秧天氣半陰晴

至後入城道中雜興

楊萬里

大熟仍教得大晴今年又是一昇平昇平不在簫韶裏  
只在諸邨打稻聲

湖南江西道中

宋  
劉克莊

丁男放犢草間嬉少婦看蠶不畫眉歲暮家家未絹熟  
萍鄉風物似幽詩

田舍即事

劉克莊

去年贏粟尚儲餅又見新秧蘸水青野老逢人說慚媿  
長官清白社公靈



農謠

宋方岳

春雨初晴水拍堤  
邨南邨北鶉鴣啼  
含風宿麥青相接  
刺水柔秧綠未齊

其二

小麥青青大麥黃  
護田沙徑遶羊腸  
秧畦岸岸水初飽  
麀甌家家飯已香

田頭

方岳

秧田多種八月白  
草樹初開九里香  
但得有牛橫短笛

一蓑春雨自農桑

途間作

宋許月卿

乍雨乍晴寒食候  
半花半藥山礬香  
老農甚喜天意好  
日暖今年不凍秧

田家秋日

金趙元

禾穗纍纍豆角稠  
崧前邨落太平秋  
熙熙多少豐年意  
都在農家社案頭

邨行

金郭邦彥

豆葉芄芄麻葉光植禾得雨又催黃田家樂事誰真得  
牧子行歌醉叟狂

田舍曲

元 洪希文

杏花開後雨如煙燕子來時水滿川  
省犁扶犢出新田  
省雪老翁芻一束

田父詞

元 馬臻

龍鍾田父住深邨桑柘岡頭石路分  
猶領兒孫到城市  
向人聽讀勸農文

其二

處處叢祠鼓笛喧已占蠶麥十分添醉騎牛背歸來晚  
亂把山花插帽簷

宿田家

明 胡奎

邨北邨南社鼓聲閒尋老父說昇平孤燈也識離人意  
落盡寒花却再生

御定佩文齋詠物詩選卷二百二十五

欽定四庫全書

御定佩文齋詠物詩選卷二百二十六

圃類

五言古

觀圃人藝植

宋鮑照

善賈笑蠶漁巧宦賤農牧遠養遍關市深利窮海陸乘  
輶實金羈當墟信珠服居無逸身伎安得坐梁肉徒承  
屬生幸政緩吏平睦春畦及耘藝秋場早芟築澤閱既

繁高山營又登熟抱鋪壑上餐結茅野中宿空織已尚  
淳寧知俗翻覆

齋中雜興

宋  
陸游

荷鋤草堂東藝花二百株春風一朝來白白兼朱朱南  
列紅薇屏北界綠芋區偃蹇雙松老森聳萬竹臞餘地  
不忍第插援引瓠壺何當拂東絹畫作山園圖

後圃散策

宋  
楊萬里

花徑雨後涼樹聲風外戰杖履頓輕鬆兒女同行散少

者前已失老者後成倦隔林吹笑語相聞如對面明明  
去人近眇眇彌步遠松杉滿地影一瞬忽不見仰觀紫  
日輪偶度白雲片佳處畱再來前山未須徧

月下觀畦丁灌園

金雷淵

邛居鄰老圃喘汗憫夏畦輓轡健晚涼月輪轉天蹊剡  
剡金融溝涓涓水泮溪黃萎漸蘇息綠潤俄萋迷生意  
續夜氣甘滋浹新蕘風露觸處香河漢望中低野人無  
遠謀且喜豐食鮭雖媿下帷董稍悟養生嵇歸懷自浩

然流光挹平西

灌畦

元  
岑安卿

灌畦起清晨汲水甘自勞微露濕裳屐涼風吹鬢毛緬  
懷漢陰丈東陵亦其曹顧余何為者佚豫敢自驕日午  
得偃息讀書志彌高年饑見杭稻萬民免煎熬寄跡天  
壤間于焉遂逍遙

治圃

元  
戴良

三春豐雨澤晨興觀我畦嘉蔬有餘滋草盛相與齊裁



力治荒穢指景光已西好月因時來歸路杳然迷暮鳥  
尋舊林晚獸遵故蹊我亦息微勞去去安吾棲

其二

長夏罕人事齋居有餘閒北窗多悴物且遂灌我園攢  
根既舒達積葉亦蔥芊瓜瓞繞畦長新葵應節鮮抱甕  
一回視生意盈化先在我豈不勞即境多所歡悠悠千  
載間樊生信爲賢

新治圃成

明  
袁凱

隙壤所自治翦剗去龍茸幸無焚穢雜况此清泉涌灌  
滋竟朝夕勾萌各森聳青蒲已彌澤黃瓜方卧壘春菁  
向堪把秋梨日應重自余通宦籍職事勞紛冗祿食雖  
云美私心恒自恐歸來得蕭茆采擷聊自奉且遠丘園  
樂永謝承明寵

命僮

明  
胡翰

今晨雨新歇日出東南隅草樹有佳色當軒散紛敷歡  
言命僮僕治我園中蔬幸此琴冊暇且復一荷鋤雖有

黽勉勞良足具中厨但恐惡草長不治成荒蕪世事每  
如此豈敢忘勤劬

西園

明  
王守仁

方園不盈畝蔬卉頗成列分谿免甕灌補籬防豕蹠蕪  
草稍焚薙清雨夜來歇濯濯新葉敷熒熒夜光發放鋤  
息重陰舊書漫披閱倦枕竹下石醒望松間月起來步  
且謠晚酌簷間設酣時藉草眠忘與鄰翁別

五言律

南山下與老圃期種瓜

唐 孟浩然

樵牧南山近林間北郭賒先人畱素業老圃作鄰家不  
種千株橘惟資五色瓜邵平能就我開徑剪蓬麻

佐還山後寄

唐 杜甫

幾道泉澆圃交橫落幔坡歲蕤秋葉少隱暎野雲多隔  
沼連香茭通林帶女蘿甚聞霜薤白重惠意如何

園

杜甫

仲夏多流水清晨向小園碧谿搖艇閣朱果爛枝繁始

為江山靜終防市井喧蛙蔬繞茅屋自足媚盤殮

種圃

宋張耒

儼舍亦為圃從人笑我癡自求佳草木仍插小藩籬吾  
事正如此人生聊自怡霜松未及尺獨我見竒姿

連日治圃至山亭又作五字

宋陸游

好竹千竿新泉一勺水殘蕪襯落日老木上寒藤細  
磴歌難過危欄曲可憑歸時忽已暮點點數漁燈

小畦

宋戴昺

小畦尋丈許鑿壁置柴扉  
雨後菜蟲盡秋來花蝶稀  
插籬新種菊抱甕已忘機  
俗客忽相訪妨人洗布衣

理蔬

宋楊萬里

小摘吾猶惜頻來徑自成  
青蟲捕仍有綠葉蠹還生  
貧裏猶存甕霜餘正可羹  
窺園未妨學抱甕更須營

菜圃

楊萬里

此圃何其窄于儂已自華  
看人澆白菜分水及黃花  
霜熟天殊暖風微旆亦斜  
笑摩桃竹杖何日拄還家

治圃雜書

元方回

天地一閒人園林數畝春  
認苗諳藥性養果護花身  
社友同疏飯鄰兒笑野巾  
空庭維老馬不出動經旬

其二

花有如罌粟能同橘不遷  
茄藤宜硬地豆莢惡肥田  
元總齊民術夷吾土物篇  
園丁初未讀口訣自相傳

畦樂園

明劉永之

郭南抱甕者久與世情疎  
砌長龍鬚草林開燕尾渠  
輾

轆花下轉蒿苳雨中鋤蔗熟能相寄酬君薤葉書

題老圃卷

明王紱

桑榆宜晚境築圃近茅堂鑿沼分流水編籬補壞牆雨  
晴瓜蔓綠風暖菜花香客過饗雞黍邛醪剪韭嘗

觀蒔

明葛一龍

計戶各成區開塍直到湖桔槔旋老牯簞食走童烏綠  
自歌邊起雨為勞者蘇穰穰從此日飢可一年無

七言律



邨舍

唐  
許渾

自剪春莎織雨衣，南邨煙火是柴扉。  
萊妻早報蒸藜熟，童子遙迎種豆歸。  
魚下碧潭當鏡躍，鳥還青嶂拂屏飛。  
花時未免人來往，欲買嚴光舊釣磯。

其二

向平多累自歸難，一日身閒一日安。  
山徑有雲收獵網，水門無月挂漁竿。  
花間酒氣春風遠，竹裏棋聲夜雨寒。  
三頃水田秋更熟，北窗誰拂舊塵冠。

偶園小園因題

宋 王禹偁

偶營菜圃為盤飧，淮瀆祠前水北邨。  
泉響靜連衙鼓響，柴門深近子城門。  
濛濛細雨春蔬甲，疊疊寒流老樹根。  
從此商於地圖上，畫工添個舍人園。

課畦丁灌園

宋 范浚

連筒隔竹度流泉，約束畦丁灌小園。  
拔薤自須還種白，刈葵輒莫苦傷根。  
瓜疇准擬狸頭大，草徑隄防馬齒繁。  
努力荷鋤當給酒，無令菜把乏朝昏。

小圃獨酌

宋  
陸游

少時裘馬競豪華，豈料今為老圃家。  
數點霏微社公雨，兩叢閒淡女郎花。  
詩成枕上常難記，酒滿街頭却易賒。  
自笑邇來能用短，只將獨醉作生涯。

蒲橋寓居庭有剗方石而實以土者，小孫子藝。

花窠菜本其中戲名幼圃。  
宋  
楊萬里

寓舍中庭劣半弓，燕泥為圃石為墉。  
瑞香萱草一兩本，蔥葉葚苗三四叢。  
穉子落成小金谷，蝸牛卜築別珠宮。

也思日涉隨兒戲一徑惟看蟻得通

爲圃

宋 劉克莊

屋邊廢地稍平治妝點風光要自怡愛敬古梅如宿士  
護持新笋似嬰兒花窠易買姑添價亭子難營且築基  
老矣四科無入處旋鋤小圃學樊遲

即事

劉克莊

買得荒郊五畝餘旋營花木置琴書柳能樊圃猶須種  
蘭縱當門亦不鋤無力改牆姑覆草多方存井要澆蔬

區區才志聊如此誰謂先生廣且疏

其二

目爲詩客不勝慙  
喚作園翁定自堪  
抱甕荷鋤非鄙事  
栽花移竹似清談  
野人只識羹芹美  
相國安知食笋甘  
晚覺齊民書最要  
惜無幽士肯同參

五言絕句

城西書事

宋  
韓維

蔬畦繞茅屋  
林下轆轤遲  
霜蔓已除架  
風瓢空挂籬

蔬圃

宋 朱子

花柳遶宅茂先生在郊居下帷良已苦時作帶經鋤

行圃

宋 楊萬里

摘杞搜枯梗攀花脫脆包蝶成新樣粉柳送隔城梢

課園夫

宋 白玉蟾

已屬畦丁了都將菜甲耘數時稽食籍醢芥又羹芹

入圃

明 李瑋

入圃細雨餘荷鋤情不惡山妻愛木棉慙余種紅藥

七言絕句

和沈太博小圃偶作

宋趙抃

日烘薄霧開桑陌  
風冒遊絲著柳條  
語燕啼鶯自撩亂  
驚人殘夢是春朝

春日田園雜興

宋范成大

種園得果僅償勞  
不奈兒童鳥雀搔  
已插棘針樊笋徑  
更鋪漁網蓋櫻桃

行圃

宋楊萬里

薤本新痕割復齊  
豆苗初葉合仍離  
鶯聲正好還飛去  
不爲詩人更許時

初秋行圃

楊萬里

花梢飛下兩鳴鳩  
欲住還行行復留  
拾得來禽吞不得  
啄來啄去竟成休

雜詩

金玉礪


南畝東臯春務時  
田家候雨罷耕犁  
却汲井泉澆藥圃  
更疏陂水灌麻畦



山居詩

元僧清珙

鑊頭添鐵屋頭懸健即鋤雲倦即眠紅日正中黃獨熟  
甘香不在火爐邊



御定佩文齋詠物詩選卷二百二十六